

ԻՐԱՆԱՀԱՅՈՒԹԵԱՆ ՆԵՐԳԱԳԹՐ ԱՐԳԻՆՈՒԱԾ

«Հայրենիք»ի քղրակիցը Թեհրանէն կը հաղորդէ Սեպտ. 5 քղրութեամբ թէ Խորհրդային Միութեան Իրանի դեսպանատան Հիւպատոսական բաժինը պաշտօնական ազդով յայտարարած է, թէ Իրանահայերու ներգաղթը դադրեցուած է:

Այս դադարեցման պատճառն է՝ «Իրանի կառավարութիւնը, հակառակ իր նախկին որոշումների հրաժարեց հայերի իրանեան հրապարակութիւնից ելնելը ձեռակերպել և քոչարարել նրանց մեկնումը Սովետական Հայաստան»:

«Նկատի առնելով այս հանգամանքը, ՍՍՌՄ-ի Իրանի դեսպանատան հիւպատոսական բաժինը հարկադրուած է դադարեցնել Իրանահայերի բերացիկ տարուան ներգաղթի աշխատանքները»:

Թղթակիցը կը շարունակէ. —

Անցեալ տարի, 1946 թուին, Իրանահայերից Ս. Հայաստան ներգաղթելոյն 21,000 հոգի, շնայած սկզբում յայտարարուած էր, որ ընդամենը 16,000 հոգի պիտի տարուին, սակայն ի նկատի առնելով դիմումներն ու խնդրանքները, և իրանահայ գիւղացիների տնտեսական ծանր վիճակը, Հայաստանի կառավարութիւնը բնդառաջելով՝ 5000 հոգի աւելացրեց վերոյիշեալ թուի վրայ:

Այս տարի ևս, նախորդի նման, յայտարարուած էր թէ 20,000 հոգի պիտի ներգաղթեն, սակայն բանակցութիւններ էին տարուած 30,000 հոգու բարձրացնել այդ թիւը. Հայաստանի կառավարութիւնը արամադրութիւն էր գոյց տուել համաձայնելու: Արձանագրուած ներգաղթողները, մեծ մասամբ գիւղացիներ, անհամբեր սպասում էին ներգաղթելու օրուան. որոշ շրջաններ, ինչպէս օրինակի համար Ատրպատականի Ղարաղաղ գաւառի բովանդակ հայ գիւղացիութիւնը, ծախելով ու լքելով իրենց ստացուած քր, եկել լցուել էին Թաւրիզի եկեղեցու և գոյրոցի բակը. նոյնպէս է վարուել նաև Մուժամբարի, մասամբ նաև Սարմաստի հայ գիւղացիութիւնը: Հարաւային Իրանի Բուրջախի շրջանի Լօթ գիւղերի 5132 անձ գիւղացիք, անցեալ աշնան հաւատ ընծայելով որոշ անհատների կարծիքների, ցանքս չեն արել, օրը օրին սպասելով ներգաղթի փրկարար կոչին: Նոյնպիսի սպասողական վիճակ են ապրում Հարաւ. Իրանի Փերիայի և Չհարմահայի հայ գիւղացիները:

Իրանահայ ազգային իշխանութիւնները և ներգաղթի կ. կոմիտէն կանգնած էին տաղնապարկ կացութեան առջև՝ ի տես սովորար և աշխատանքը լքած հայ գիւղական բազմութիւնների: Շրջուկներ էին շրջում, որ Իրանի կառավարութիւնն այս տարի աճէն մի ներգաղթողի համար պահանջում է 250 սիւլ անցողրի իտիֆտութեան վճար (մինչդեռ անցեալ տարուան ներգաղթողներից 5 սիւլ էր գանձուած...) և առարկում է նաև, որ ներգաղթի հարցը Մէջլիսից (Խորհրդարան) պիտի անցնի: Եւ ահա այսօր այդ շուկները դառն իրականութիւն դարձան, երբ Հիւպատոսարանն այտարարեց վերոյիշեալ ազգը:

Հայ գիւղացիութիւնը, եկեղեցիների և գոյրոցների բակերում սպաստանած՝ լաց ու կոծով լսեց որ այս տարի ներգաղթ չի լինելու:

Ներգաղթը նախ արգիլեց Թուրքիան, այսօր խօսուում է, որ Յուճաօտանն ևս արգիլել է: Այս երևույթը շարադաշակ նախընթաց է մեր Ժողովրդի ապագայի նրկատմամբ: Հայ Ժողովրդի ներգաղթը և հայահաւաքման գործը առարկայ է գառնում մեծ պետութիւնների քաղաքական հակամարտութեան: Արտաքին գիւտնագրական խաղերի բացասական անդրադարձումն է ներգաղթի արգելքը. հայ բազմաշարժար Ժողովուրդը մի անգամ ևս ճաշակում է ևւրոպական դաժան գիւտնագրութեան անողոք հարուա-

ծը: Վերջերս Հիւսիսային Իրանի նաւթի հարցը մթաղնել է պետութիւնների փոխյարարերութիւնը. այս պարագային տնտեսական-Փրնանսական և քաղաքական ճնշումները նուազ գեր չեն կատարում: Աստուածաշնչի բարոյախօսները, թե ու թիկունք հանդիսանալով հայ Ժողովրդի հանրաձանոթ դահճին, վատ են տրամադրուած հայահաւաքման նկատմամբ. իրենց այս տրամադրութիւնը փոխանցում է նաև իրենց ենթականերին և արդիւնքը լինում է մեզ համար այն, որ տուժում է հայը, արգիլում է հայրենադարձը:

Սան Փրանսիսկոյի Թուրք պատուիրակութեան անդամներին հիւրասիրող ու պատուող «հայեր» մեզ մօտ էլ անպակաս են, դրժարատարար. հայեր կան, որոնք գործիք դարձած օտարների ձեռքին, ամենակատաղի և թունոտ պրոպագանդ են մղում ներգաղթի դէմ. այդպիսիները անձնական շահերով և դձուձ հաշիւներով զեկավարուող անհայրենասէր տիպեր են, որոնք Եսաւի պէս մի աման ապուրով վաճառքի են հանում իրենց եղբորը:

Պարսիկ կուլուածատէրերը ևս դէմ են ներգաղթին, ելնելով իրենց նիւթական շահերից. հայ գիւղացին յատկապէս՝ աւելի կուլտուրական տարր է, աւելի կաթնատա կթան կով. հասկանալի է որ նրա մեկնումը ձեռնառու չէ կալուածատիրոջ:

Այս տարի Իրանահայութեան ներգաղթ չլինելու յուրը կայծակի արագութեամբ հասել է գիւղերը. դեռ ևս այս թղթակցութիւնը շաւարում՝ լսեցի որ գիւղական շրջանների քահանաներն արդէն եկել են Թեհրան, ազգային իշխանութիւններին դիմելու և մի հար խնդրելու համար: Ազգային սնտուկներում պատրաստի գոմարներ չկան. գործազրկութիւնը պատերազմից յետոյ մեծ չափերի է հասել, հանրութեան տնտեսական վիճակը աննախանձելի է, հետեւաբար ստեղծուել է մի ահաւոր ողբերգութիւն. տասնեակ հազարաւոր գիւղացիներ գրկուած են տնից-տեղից, լծկանից և ցանքսից, ոմանք քնում են գուրսը, սլատերի տակ, գիւղերում խոտ են ճարակում. կուտակուած բազմութիւնների մէջ սկսուել են տարափոխիկ հիւանդութիւններ:

Լսեցինք որ արդէն Թաւրիզի Առաջնորդարանը բանակցութիւններ է սկսել Ղարաղաղի կալուածատէր ազանների հետ, մի կերպ հայ գիւղացիութեանը վերադարձնելու և կենտրոնացնելու փոքրաթիւ գիւղերի մէջ: Այդ գիւղացիները գաղթել էին քաղաք՝ նոյն կալուածատէրերի ճնշումների և ծանր տուգանքների ձեռից. հասկանալի է, ուրեմն, թէ ինչ պայմաններով պիտի վերադառնան: Բայց այդ վերադարձն իսկ խոշոր գումարների հետ է կապուած:

Արտասահմանի մեր բարեգործական միութիւնների և ունեւորների ուշադրութեան ենք յանձնում 55,000 իրանահայ գիւղացիների այս ծանր վիճակը:

Չեոք առնուելիք միջոցների մասին մանրամասնութիւններ կը հաղորդեմ հետագային. ազգային հասարակական մարմինները դեռ ևս չուար վիճակում են:

Ա. ԴՈՒՄԱՆԵԱՆ